

Aliantza politika

EAJREKIN FORMALKI HITZ EGITEKO LIZARRA UTZI ETA «DEMOKRATEN BATASUNA» BERROSATU BEHAR DELA DIO PSOEK

Chavesek baieztatu egin du Ibarretxe lehendakariarekin hitz egin zuela

■ «Ez akordiorik, ez akordiorako lehen urratsik» ez dagoela esan, eta «betiko» parametroetan daudela adierazi du Redondok

■ PSE-EEko idazkari nagusiak dio ez dutela «gobernagarritasuna eta bakea» nahastuko EAJrekiko harremanetan

■ Chavesek hiru baldintza jarri dizkie jeltzaleei: «Lizarra uztea, EHrekin harremanak haustea eta demokraten batasuna erraztea»

Joseba Arruti / Bilbo

MANUEL CHAVES PSOEko Batzorde Politikoko buruak atzo baieztatu egin zuen Juan Jose Ibarretxe EAEko lehendakariarekin harremanetan izan dela, EGUNKARIAK herenegun aurreratu bezala. Chavesek atzo emandako azalpenen arabera, Ibarretxek deitu egin zion biltzeko eskatuz, eta bera prest agertu zela adierazi zuen Chavesek, «demokraten batasuna berreskuratzen eta ETAK ezarri nahi dituen arauak aldarazten lagun zezakeelako». Dena dela, Chavesek honako zehaztapena egin zuen: «Ez dago aukerarik EAJrekin formalki hitz egiteko norabide hirukoitzean ez badabil: Lizarra utzi, EHrekin hautsi instituzioetan eta demokrata guztien batasuna berreskuratzeko ahaleginak egin»

«Hitz egin beharra dagoela uste dut, Ibarretxek Aznarrekin berba egingo duen gisara», gaineratu zuen Chavesek. Hala ere, bere esanetan, PSOEek ez du «momentuotan aintzat hartzen» Eusko Jaurlaritzako hirukora itzultzeko aukera.

Nicolas Redondo PSE-EEko idazkari nagusiak «irmotasunez» ukatu zuen



XOUSE SIMAL

Redondok, Aresek eta Egigurenek atzo prentsaurrekoan ukatu egin zuten jeltzaleekin akordiorik lortzeaz daudela.

atzo EAJren eta PSE-EEren artean akordio zabal bat lortzeko harremanik dagoela.

«Ez dago akordiorik, ez horretarako lehen urratsik ere», zehaztu zuen Redondok EGUNKARIAK argitaratuko informazioari buruz. Berak esan zuenez, EAEko sozialistek «betiko» parametroetan jarraitzen dute: estatu itun bat nahi dute PPren eta

PSOEren artean, «bakea ahalbidetzeko» —«elkarrekin pentsatzeko harremana nahi dugu», esan zuen—, eta alderdi guztien arteko elkarrikeria mahaia osatzeko prest daude, bertan parte hartzen duten alderdiek indarkeriari arbuioa azalduko duten eta «joko demokratikoko» arauak errespetatuko dituzten baldintzarekin.

«Guk ez ditugu nahastuko bakea eta EAEko gobernagarritasuna», zehaztu zuen PSE-EEko buruak.

Gainera, Redondo Terrerosen iritziz, EAJ eta EA EAEko hauteskondeei begira mugitzen ari dira. Salatu zuenez, Eusko Jaurlaritzak Hauteskunde Legea aldatu gura du Eusko Legebiltzarrean ordezkariak lortzeko gutxieneko

MANUEL CHAVES

Elkarrikeria

■ ■ ■ «Ona da EAJrekin hitz egitea ETAK inposatu nahi dituen arauak aldatzeko»

NICOLAS REDONDO

■ ■ ■ «Ez dago akordiorik EAJrekin, ezta horretarako lehen urratsik ere»

portzentaia jaisteko. «Talde txikiren bati mesedeen ordaina eman eta hauteskondeei begira ahalik eta ondoen kokatu nahi dute», esan zuen.

Bestalde, PSE-EEko idazkari nagusiak «zorionak» eman zizkien Javier Balza Herrizaingo sailburuari eta Jaime Mayor Oreja Barne ministroari, «zorameneko garai honetan hitz egin eta akordioaren bila aritzeagatik».

EAJ «behin betiko bidegurutzean» dagoela uste du Redondok

■ J. Arruti / Bilbo
«JELTZALEEK beti arbuiaitu dituzte ETArekin ekintzak, eta arazoa ez da atentatu baten ostean EAJ EHrengandik aldentzea, subiranotasunaren alde duen estrategia baizik», esan zuen atzo Redondo Terreros PSE-EEko buruak egungo egoera politikoaren inguruan. Buruzagi sozialista-

ren irudiko, «EAJ behin betiko bidegurutzean dago: Lizarrak eta Udalbiltzak islatzen duten subiranotasunaren aldeko estrategiaren eta Arriagako Espirituak islatutako joko arauen errespetuaren artean aukeratu behar du». Horren aurrean, «agian PPK ez bezala», sozialistek nahi dute

EAJk «bide egokia» aukera dezan.

Redondok «tamalgarriztat» jo zuen EAJko zuzendaritzako kideak Durangoko eta Bilboko manifestazioetan ez izatea, nahiz eta EBBko zenbait kidek Durangokoan parte hartu zuten, besteak beste, Josune Ariztondok, Javier Atutxak eta Iñigo Urkulluk.

Xabier Arzalluz eta Felipe Gonzalez bildu ziren maiatzan

■ Erredakzioa / Donostia
XABIER ARZALLUZ EBBko lehendakaria eta Felipe Gonzalez Espainiako gobernuburu ohi eta PSOEko idazkari nagusi izandakoa bildu ziren due-la aste pare bat Euskal Herriko egoeraz mintzatzeko. Bileraren lehen berria Deia egunkarian agertu zen atzo, Juan Jose Baños

egunkariako zuzendaria idazten ohi duen artikuluan. Eguerdian, PSOEko batzorde politikoko bozeramaile Maximo Diaz Canok baieztatu egin zuen. Canok azaldu zuenez, Gonzalezek baimena eskatu zion PSOEko batzorde politikari, eta Manuel Chavesek baimena eman zion. Ondoren,

Gonzalezek hitz egin dakoaren berri eman zion. Bilera maiatzaren 30ean izan zen, Felipe Gonzalezek Mardilgo Gobelak kalean duen bulegoan, PSOEko bozeramaileak jakinarazi zuenez. Euskal auzian PPK daraman estrategiarekin Felipe Gonzalez kritikoa agertu ondoren izan zen bilera.